

Suo Canonico.

*Weymannovici Jacobi. Quaestio de immu-
nitate ecclesiae.*

Q

I

Magn

D. I A

& D

Pro

Ac

I

Sub fa

CH R

Philos

Ad Æ

2549 Prawo.

Q V Æ S T I O

D E

Immunitate Ecclesiæ:

Q V A M

Magnificus & Adm. Rndus ac Clariss. D.
D. IACOBVS NAYMANOWICZ I. V. D.
& Professor, Canonicus Crac. Archidiaconus
Pilcensis, &c. &c.

*Pro solenni inauguratione in Doctores Virumq; I.
publicè resoluendam proponet*

Adm. Rndis DD. BARTHOLOMÆO
IANVSCHOWIC:

IACOBO GORSKI, I. V. Licentiatis.

*Sub felicibus auspiciis Magnifici & Clarissimi Dñi,
CHRISTOPHORI NAYMANOWICZ
Philosophiæ & Medicinæ Doctoris, Consulis Crac.
Almæ Academiæ Generalis Rectoris.*

C R A C O V I A E,

Ad Ædes SS. Trinitatis, Ord. FF. Prædicatorū,
Die 6. April. Anno M DC. XXXIV.



Est Leo sunt Aquila. Diademata; miles, aris ta,
 Hinc decus, hinc magnis pax fluit excubijs
 Donec erunt Aquila, Diademata, miles, aris ta,
 Atq; Leo infractus, Pax decus, usq; Terunt,
 Vixit Leo, floreta, Aquila, Diademata, aris ta,
 Fortis T Actio, miles in imperio.

10
 Dei C
 E. D
 Adm



ret!
 igitur
 totan
 quos
 licet
 depe
 refer
 entia
 Petru
 mun

Serenissimo, Eminentissimo,

IOANNI ALBERTO,

Dei Gratia Poloniæ & Sueciæ Principi S. R.
E. Diacono. Cardinali, Episcopatus Crac.
Administratori, Duci Seuerien. Acad. Crac.
Cancellario, &c. &c. Domino

Domino Clementissimo.



Rodit quæstio ex sacrarijs faculta-
tis Iuridicæ, & ad Te rectà diuertit
Princeps Eminentissime. Et quid
enim aliò diuerteret? vel deflecte-
ret! Academia Tua est, & Tu illius caput: Cur
igitur non se Tibi animis & lucubrationibus suis,
totam deuotam præbeat: Honores Academici
quos gradus appellamus, ex Tua Authoritate, sci-
licet Cancellarij Summi Academiæ protectoris,
dependent; Et Cur igitur. Non Tibi in acceptis
referant? Iuris & Æqui (quam profitemur) sci-
entia in hoc celeberrimo Iageloniadum Lyceo
Petrum Vischeum, Episcopum Cracouiensem pri-
mum Doctorem, & Professore in sua Cathedra

vidit & habuit; Et Cur igitur sua decora, sua insignia, & ornamenta alio quam in successores, Episcopos grati & memoris animi tesseram effundat; Quid taceam, quid dissimulem: Diui Vladislai Iagelonis Proau Tui omni æuo dignissimi Poloniæ Regis, in Nos & Literas Nostras beneficia, illam pietatem, & illum Zelum vt verè dici posset, Polonia nisi Vladislaum Iagelonem Regē haberet Academiam nullam haberet. Nimirum inuidit hanc antecessoribus Regibus fortuna gloriam, vt qui quantum ad regni felicitatem, & gubernacula in bonis Literis fuerit positum, illa ætate nondum intelligerent, vel opus adgressi, in medio deficerent; Soli Tuo Princeps Eminentissime D. Vladislao debebatur, ista Laus, & isthæc gloria, vt qui solus probè intelligeret, quod Imperator Noster in Proemio Institutionū suarum. (loco scilicet eminēti, vt ab omnibus videretur) scitè protulit, Imperatoriam Maiestatem, non solum armis decoratam, sed etiam legibus armatam esse oportere, vt vtrumq; tempus & bellorum & pacis, rectè possit gubernari; Solus illius
æui

æui fortunatissimus Princeps cum Iulio Cæsare,
vna manu gladium, altera librum gestans, se ex
vtroq; Regem demonstrauit. Solus cum Ale-
xandro Macedone, inter bellicos tumultus & Ma-
uortia signa, sui Homeri, hoc est Professorum
sapientiæ obliuisci noluit. Solus deniq; cum
Diuino Platone, Rempub. sine literis stare non
posse censuit; Nec in hoc solum Regium & Ge-
nerosum illum animum mireris, illud occultum
& secretum, quod Regni sui Incolas & suos Ci-
ues, non aliâ disciplinâ, non aliâ institutione,
quam hac ipsa Academicâ, imbui & institui vo-
luerit: Huius ille disciplinæ Magistros ac Præce-
ptores per remotiora conquisitos honestissimis
conditionibus, ad Regni & Nobilitatis Priui-
legia vocauit, Regalibus insignijs condecora-
uit, primos nouæ vineæ cultores, Ciuitate sua
donauit, ita nimirum arbitratus, vt quemadmo-
dum, non omni pedi omnis calceus congruit,
ita non omni populo, omnis disciplina & in-
stitutio. Quid enim? si populus Patriæ amans,
ad eius cōmunem vtilitatem omnia refferat. In-

stitutio vero sua duntaxat non quæ Patriæ, quæ
Reipub. quærat. Quid si populus armis & Pa-
triæ propugnandæ natus literas compendio quæ-
rat, Institutio ita artificiosa, quæ prima sua ele-
menta, prima cunabula carminum, & metro-
rum, inuolucris obumbrata & obscurata Oedi-
pū, non Dauum, non ætatem infantilem requi-
rat: Quid si iuuentus ad ea quæ cernit, & in qui-
bus se exercet naturâ solers & capax; Institutio
ita ordinata, quæ ætatem teneram Comedorū.
atq; Tragedorum doctis fabulis in scena in the-
atro ita occupat, vt prius artes mimorum & deco-
retorum, quàm Grammaticorum rudimenta &
pietatis officia condiscat, Et minora hæc forte,
tametsi auream ætatem, non modicè suffuren-
tur, sed illud maius, illud perniciosius, quod ex
tenerioribus istis Roscijs frequēter in Repub. mul-
tos Ceregos & Catilinas videas, quæ enim iuue-
nis in Scena imbuat, prouectus malo suo exer-
cet. Noluit prudentissimus Princeps, tam peri-
culosis scopulis, tenellam ætatem obijcere. Sed
tales tibi ô Patria Magistros & Præceptores quæ-
siuit,

fluit, qui generosam tuam pubem aurea germi-
na, ad omnem pietatem & eruditionem, planâ,
ac regiâ viâ ducerent, qui moribus & Oratione
simplices, fauorem hominum blanditijs, & assen-
tationibus, colligere turpè æstimarēt, qui ad ve-
ritatē omnia nihil ad voluptatem, nihil ad auram
vulgi captandam loqui nouerint. Vno verbo.
Qui modico censu contenti, in paupertate Aca-
demica Tuam indolem, Tua ingenia, non Patri-
monia curarēt. Hæc scilicet Diui illius Regis Aui
Tui, Princeps Eminentissime prudentia. Hæc de
patriâ sollicita cura, cuius Tu cum expressam &
viam imaginem, referas, Quid mirum si Musæ
Academicæ tanti Principis Nomini obligatæ. Te
desideratis obsequijs recreare ad properāt, in Tu-
um seruitiū omnia sua studia, omnia officia, & se
ipsos effundant, spem bonā concipientes. Quod
quemadmodum cum Diuo illo Vladislao Iage-
lone, omnia fausta & fælicia bona venerunt no-
bis in Poloniam. Hic enim primus S. Fidem Ro-
manam & Orthodoxam suis Lituanis & Verna-
culis, in Polonia auxit. Hic Regnum hoc Nobilif-
simis

simis Ducatibus Lithuanico atque Prussico ampli-
auit: Hic bonas literas, sapientiam & eruditionem,
pulsâ procul barbarie in Regni sedem primariam in-
trodixit. Ita certe hæc spes eadem omnes bonos te-
net, cum alio TUO VLADISLAVO, Serenissimo Regni
Poloniæ REGE, bonam fortunam ac meliora tempo-
ra in Poloniam reditura. Hic enim est Princeps ille
auspicatissimus, Qui simul ac Regnum ingressus ac
Diademate redimitus est, pro S. Romana Fide contra
Rufos ac Schismaticos generosus extitit, tumentes
atq; minaces animos magno iudicio sedauit, ac con-
sopiuit, Hic qui Moschi potentissimi, (cum summa
gentis tuæ gloria ô Polonia) summa dexteritate vim
& potetiam fregit. Hic qui rem Academicam multis
retro temporibus, inanibus, litibus, & sumptibus,
per inuidiam fatigatam Regia autoritate restituit,
bonas Literas in tuto collocauit, Ciuitatem Regni
sui primariam, motibus atq; cædibus quotidianis li-
berauit, Et Hæc Tua est Laus & gloria Princeps E-
minentissime, quam lubentes gratulamur, ac Nos
etiam ipsos. Nostraq; isthæc Vtriusq; Iuris & Æqui-
studia, ad omnes Eminentissimæ Vestræ Serenitatis,
Nurus, vouemus & consecramus.

*Eminentissimæ Serenitatis Vestræ
deuotissimi*

M. BARTHOLOMÆVS IANVSCHOVIC.
IACOBVS GORSKI I. V. Licentiati.

Q V Æ S T I O

D E

IMMUNITATE ECCLESIAE:

*Quantum ad confugientes ad eam. Ad c. Inter
alia. Extr. De Immunit: Ecclesiae. Iunct.*

*L. Fidei. C. De his qui ad Ecclesiam
confugiant.*

V ♦ Ecclesia Authoritate Romani Pontificis vel Episcopi loci erecta, Iure Diuino vel Humano. Quantum ad fugiētes ad eam, ad 40 vel 30 passus sine discrimine & differētia delictorū, iuxta quod Sacri Canones censent, nec non Legum ac Imperatorum placita cum potestate coercendi & puniendi, violatores gaudeat Immunitate perfugij ita quòd in ea receptus, nullo modo inde violenter extrahi, nec ad pœnam personalem, vel corporalem, puta sanguinis vel mutilationis vel aliam istiusmodi condemnari valeat: nec ne?

B

Con.

CONCLUSIO I.

Immunitas Ecclesiæ, ut malefactor ad eam fugiens, ab ea per vim à potestate, sæculari, non possit abstrahi, à Lege Diuina per Moysen tradita: Deinde authoritate Vniuersalis Ecclesiæ, & sacrorum Canonum est firmata & approbata.

COROLLARIA.

1. *Errant qui comminiscuntur, inter quos est Joannes Fexariensis, in sua Praxi. Tit: De Formâ inquisitionis. N. 31. CHRISTVM Dñum, quod euentes & vendentes eiecisset ex templo, exemplo suo docuisse eiiciendos, magis esse latrones, homicidas, & alios capitaliũ criminum obnoxios, ne domus Domini spelunca efficiatur latronum.*

2. *Prælatus seu Rector Ecclesiæ, malefactorem ad Sacra limina profugum, tenetur defendere ab agresoribus, nec eum sæculari potestati extradere, nisi solenni cautione acceptâ, De vitâ & membris seruandis.*

3. *Nullum est Iuris dubium, si fugiens ad Ecclesiam,*

clesiam, non habeat bona quibus sibi provideat, Rectorem seu Oeconomum Ecclesiæ teneri sibi providere ad instar pauperis, vel custodis carceris qui in carceratis præstat impensas.

4. Furi et rationi repugnat, quod quidam Ecclesiarum Rectores, eos qui se Dominicis clauibus custodiendos committunt, sub custodiâ retinent, obfides ponunt, vinciunt, obsignant, aliquando per subtractionem necessariorum exire compellunt.

5. Malefactor carceribus victus, à custode carceris ut die festo audiret Missam, cum promissione de redeundo, dimissus & licentiatus ingressus Ecclesiam, si non vult redire, allegans immunitatem, non debet inde auelli.

6. Minimè pugnat cum Sanctorum Canonû, authoritate hoc idem Immunitatis & Asijli Ecclesiastici Priuilegium competere, ne dum Ecclesiæ consecratæ, sed etiam de proximo consecrandæ, dum sit fundata authoritate superioris.

7. Idem existimamus, de Ecclesiâ Interdicto subiectâ, ad instar Clerici suspensi, Excommunicati, vel Interdicti, qui non obstantibus dictis censuris, retinet priuilegium circa iniectionem manuum.

8. Aliter res se habet de Ecclesiâ totaliter destruxta

*structâ, & in quâ non extant aliqua ædificia: illam
scilicet non gaudere prædictâ immunitate ad in-
star degradati, & depositi, qui omni Priuilegio est
exauthoratus & denudatus, & tantô magis si Ec-
clesia, sit destructa, authoritate Episcopi, vel per
naturam, sine spe reparationis & reædificationis.*

*9. Catholica & laudanda est sententia quod
homicida vel alius malefactor, manus familie
clapsus, & ad Sacramentum Sacratissimæ Eucha-
ristiæ, quam fortè Presbyter in publico desert, fu-
giens, gaudeat immunitate Ecclesiæ: licet aliud ob-
tineat in damnata ad mortem qui in carceribus, &
vinculis recipit, Sacrum corpus Domini.*

*10. Oratoria priuata & Capellæ quæ priuatim
in domibus retinentur tametsi in his Diuina cele-
brentur, in tantum gaudent hac immunitate si au-
thoritate Episcopi fuerint errecta & eius visitati-
oni obnoxia; alias secus.*

CONCLUSIO II.

**Priuilegium concessum Ecclesiæ, vt liber
homo ad eam fugiens gaudeat Immuni-
tate, extenditur ad 40. passus, si Ecclesia
sit Ma-**

fit Matrix, fin verò Capella & Oratorium ad 30.

C O R O L L A R I A.

1. *Qui captivus pena corporis & sanguinis obnoxius, ducitur fortè per ambitum Ecclesiæ vel Cæmeterium, si progredi noluerit inuitus, & reluctans tanquam extra Teritorium Iudicis secularis, citra violationem immunitatis Ecclesiasticæ non potest extrahi.*

2. *Si circa Cathedralem Collegiatam vel Matricem Ecclesiam, cæmeteriũ sit in minori spatio, quã sunt dicti passus præcingitur: immunitas Ecclesiæ nihilominus ad spatium dictorum passuum protenditur, dummodò intra illos passus, alia domus extranea id est laicorum non interponatur.*

3. *Non imus inficias valere consuetudinem in contrarium, scilicet quod dicti passus non semper, nec ubiq; habeant prædictam Immunitatem, maxime si Ecclesia Monasterium vel Capella intra ambitum murorum, ciuitatis ve castelli consistat; ubi propter angustiam loci, prædicti passus observari non possunt.*

4. Liber homo metu pœnæ vel carceris in porticu vel ostio Ecclesiæ consistens, non potest inde violentus extrahi, & hoc siue à parte ostij versus Ecclesiam, siue à parte quæ est extra, versus locum profanum fuerit constitutus.

5. Idem volumus in eo qui reus criminis intra septa Ecclesiæ confederit, nam ut sic tanquam in Sacratio, constitutus gaudet, iure per fugij.

6. Furi & nationi congruit idem ius immunitatis suffragari, Hospitalibus Orphanotrophijs, Gemotrophijs, Xenodochijs, Brophotrophijs, Ptochotrophijs, Ascetrijs, nec non montibus pietatis & misericordiæ, tametsi hæc extra illos passus Ecclesiæ consistent, dummodò autoritate Episcopi fuerint erecta.

7. Non placet opinio tenentium Hospitale, quod non est principaliter ad Diuina celebranda institutum, nec habet dotem assignatam, nec Vicarium perpetuum carere iure immunitatis Ecclesiasticæ

8. Palatium Episcopi, Cardinalis, & tanto magis Papæ, dubium non est gaudere hac eadem immunitate, tametsi extra dictos passus consistent.

9. De domibus inferiorum Prælatorum illud placet, quod hi si habeant domos proprias intra dictos

dictos passus, vel sit quidem domus Ecclesiæ, sed extra dictos passus non habere privilegiū per fugi nisi dicta sua domus habeat Capellam, cum auctoritate Episcopi, nam ut sic tota domus prælati pro Cæmeterio putabitur.

10. Quod attinet Domus Ministrorum Ecclesiæ, in quibus Clerici, Monachi, Præbyteri circa ministerium Ecclesiæ morantur certi & explorati, iuris est illas, cum omni illo quidquid fuerit interiacens, siue in Cellulis, siue in domibus, balneis, hortulis, areis, porticibus, nec non omnibus quæ intra ambitum Ecclesiæ consistunt, & est unum ad omnia ostium habere Ius immunitatis, & confugientes interioris templi vice tueri.

CONCLUSIO III.

Dispositio Iuris de Immunitate Ecclesiæ, quantum ad confugientes ad eam, est prohibitoria certarum personarum, & ideo omnes illæ gaudent, quibus a Lege & Canone expresse non prohibetur.

COROL.

COROLLARIA.

1. *Latro publicus qui itinera & stratas obsidet, & transeuntes deprædetur. Itemq; Assassinus qui pecuniâ aliove precio conductus hominem occidit, excluduntur à tutella Altaris & Ecclesiæ.*

2. *Ad eum numerum referuntur omnes homicidæ qui data opera, & ex proposito homines occidunt vel mutilant; Itemq; qui animo occidendi, vel mutilandi, alios percussunt, tametsi ex percussione, Mors, vel mutilatio secuta non fuerit.*

3. *Nullum est dubium. Quod Ioab filius Saruicæ, qui Abner, filium Ner, & Amasam filium Lether, principes exercitus Israël, proditoricè amplexando, interemit & effudit sanguinem belli, in pace, iustissimè à Salamone Rege Israël, inter altare est interfectus.*

4. *Eadem iuria ratio, omnes Veneficos qui oxica, cicuta vel alio quovis veneno, alios enecant, ab Altaris tutelâ, & perfugio, excludit.*

5. *Fur manifestus qui cum furto deprehenditur vel contra quem in publico de furto est inelamatum. Itemq; qui per confessionem, vel facti eidentiam furti conuincitur, in loco sacro constitutus, à iustitiâ seculari ad pœnas Legum licitè postulatur.*

6. *Incendarius qui Odio, auaritiâ, Inuidiâ, Aides, Vicinorum incendit. Itemq; qui auxilium operam, consilium*

flum, fauorem, præstat Am salutis, & misericordie,
nequaquam se tueri potest.

7. Iudei ob furta, rapinas, scelera, à iustitiâ seculari requisiti, & ad sacras Aides profugi, non merentur immunitatem Ecclesiæ, nisi zelo fidei & non ad euasione[m] pœnæ, cessante omni fraude, ad sacram Aram confugerint.

8. Raptores virginum Matrimony causa, vel alias ad Aidem sacram profugi, à potestate & iustitiâ seculari requisiti, immunitate perfugij, & Asyli Ecclesiastici nequaquam gaudere debent.

9. Confugiens ad Ecclesiam malefactor, super quo data est cautio, sufficiens, per requirentem de impunitate personæ, & de membris seruandis non debet gaudere immunitate Ecclesiæ quo minus inde abstrahatur, & Sacerdos qui illum sub dictâ cautione non extradiderit, & ille aufugerit, tenetur illum quærere, vel aestimationem damni, iuxta quod Iudex arbitrabitur, cõpensare.

10. Clericus in ordine sacro constitutus, criminis obnoxius, licitè ex loco sacro, auellitur, vt in Carceres conjiciatur, nisi crimen tale fuerit, propter quod post degradationem tradendus esset, curiæ seculari, vel nisi carcer fuerit perpetuus, in pane doloris & aqua angustiae.

CONCLUSIO IV.

Qui aduersus Ecclesiam, locum sacrum, sanctum, religiosum deliquit, immunitatē eius non meretur.

COROLLARIA.

1. Blasphemans Nomen Domini, vel honorem Beatissimæ Genitricis, Saluatoris Nostri, insectans, vel aliter nefandū virus linguæ, in Sanctos Dei, Ecclesiam & eius Sacramēta euibrans, immunitate confugij priuatur.
2. Schismatici qui Unitatem Ecclesiæ scindūt, & aduersus supremum Ecclesiæ Pastorem, rebellionem mouent; Itemq; Apostatæ, qui à statu obedientiæ & Religionis contumaciter recedunt, ad pænæ euasione[m] Ecclesiæ immunitate & Patrocinio nequaquam se tueri possunt.
3. Eius ordinis sunt omnes Nostri temporis Hæretici, qui extra gremium Ecclesiæ constituti, Orthodoxæ fidei fundamenta conuellunt.
4. Usurpatores bonorum Ecclesiæ, Itemq; Decimarum raptores, Iudicio Ecclesiæ, vel sæculari conuicti

convicti & condemnati, si in termino executionis ad Ecclesie limina confugerint, licite inde auelli & abstrahi possunt.

5. Laici & seculares, quātumcūq; in dignitate & potestate constituti qui irrequisitā Romanā sede, onera vel collectas Clero imponunt, & Ecclesiam sub Tributum redigunt, vel alias & aliter eius Iurisdictionem perturbant, immunitatem Ecclesie amittunt.

6. Qui tollit rem sacram de loco sacro, vel sacram de non sacro, vel non sacram de loco sacro, ad Ecclesiam confugiens, frustra eius immunitatē implorat, contra quam manu sacrilegā, deliquit.

7. Homicidium in Ecclesiā spe impunitatis committens, non tantum illius Ecclesie, immunitate priuatur & ab eā abduci potest, sed etiam à quacūq; aliā, Idemq; est in eo, qui propè Ecclesiam deliquit, ut citius ad illam confugiat.

8. Fortius asseritur crimen, in Ecclesia commissum, non tantum eius authorem priuare, immunitate Ecclesiarum, quoad illud delictum, sed etiam quo ad omnia alia crimina, extra locum sacrum admissa.

9. *Non succumbunt huic immunitatis priuationi, illi, qui cessante dolo, & insidijs, nec datâ operâ, sed fortuito, nec propter inimicitias veteres, sed ex verbis contumeliosis, calore incundiae. Homicidium, Mutilationem, vel aliud istiusmodi intra sacra limina admiserint.*

10. *Censuris Ecclesiae inmodati, utpotè Excommunicati, suspensi & Interdicti, ab Homine, vel Canone, etiam secuta declaratione, Immunitatem Ecclesiae non aliter amittunt, quàm si in morâ petendae absolutionis fuerint.*

CONCLUSIO V.

In casu dubio an fugiens ad Ecclesiam, debeat gaudere immunitate Ecclesiae vel non? Potestas Ecclesiastica non saecularis discernet, & casum dubiû iuxta quod Canones censent, & non Legum Civilium statuta, definit.

COROLLARIA.

1. *Non est toleranda sanctio Iustiniani, in*
Athen-

*Authentico. De mandatis Principum, s. Neq;
autem. Col: 3. Secundum quam liber homo are
publico grauat, si ad Ecclesiam confugiat, ca-
reat eius patrocínio & immunitate.*

*2. Non cōvincit argumentatio Iasonis. l. 2. ff.
De Iurisdictione omnium Iudicum, tenentis ex
eo quod debitor, are alieno onustus, & de fugâ
suspectus possit capi, die feriato, temporeque, cele-
brationi Diuorum publicè Sancto; posse perinde
eundem debitorem, ex loco sacro inuitum trahi, &
abduci, sumpto argumento à tempore ad locum.*

*3. Non inficiamur tamen ex sententia Cou-
runia, Variarum resolutionum lib. 2. cap: 20.
N. 14. Opinionem Iasonis apud Hispanos posse
admitti in mercatoribus, & campforibus, qui ma-
gno Reipub. dispēdio ex pecuniâ, & rebus alienis,
dum negotiationem quæstuariam exercent, ope-
ram vsuris, & faenoris dantes, lautè & opiparè
viuentes, decocti tandem versuram faciunt, & ad
Ecclesiam fugientes creditores omnes miserè
fallunt.*

*4. Exorbitat contra rationem, & veritatem
iuris nostri, sententia Glosæ Iuris Municipalis.*

Art. 10 Vers. Notandum etiam; quæ vult quod Maleficus insequentes ad cæmeterium fugiens, si Sacerdotes illic non adsint, exinde capi, & abduci possit.

5. Minus valet eiusdem iuris Municipalis Interpretum sententia, cui suffragatur Imperator, quod Homicida incarceratus, si peruium rupto carcere, manus iusticiæ euaserit & ad Ecclesiam cõfugerit, Interdicto. Unde vi. repeti & restitui debeat.

6. Stante statuto de Banito & Infami, impunè offendendo, & quoquo locorũ capiendo, si ad Ecclesiam confugiat, non potest inde capi, abduci, nec impunè offendi.

7. Si potestas secularis, pronunciat malefactorem ad Ecclesiam profugum, non debere gaudere immunitate Ecclesiæ, & illum instantè requirat. Contra verò Prælati vel Rector Ecclesiæ, ipsum debere gaudere declarat, Iudex secularis citra violationem immunitatis Ecclesiasticæ, & Loci sacri, non potest illum extrahere, sed iudicium suum, iudicio Ecclesiæ subijcere debet.

8. Si

8. Si delinquens confugiat ad Ecclesiam, aliquius loci particularis, Villæ, vel Pagi, ubi non est iudex Ecclesiasticus; est tamen Iudex secularis, in casu dubio, Reus criminis ad Ecclesiam profugus, debet à Rectore Ecclesiæ detineri, donec cognitio fiat per Ordinarium loci.

9. Negare non possumus, nec volumus, quod stante Notorietate Juris, vel facti fugientem ad Ecclesiam malefactorem, secundum Sanctiones Ecclesiasticas, non posse, nec debere gaudere immunitate Ecclesiæ, quod Iudex secularis propriâ authoritate absque licentiâ Episcopi, vel Ecclesiæ Prælati, possit taliter fugientem, Notorium, ab altari auellere & abducere.

10. In casu in quo profugus ad Ecclesiam, homicida vel publicus Latro, nō potest gaudere immunitate Ecclesiæ. Rector seu Prælatus, non debet illum per suam familiam abduci facere, sed tamen tenetur hoc dissimulare & abducentes pati.

CONCLUSIO VI.

Qui immunitatem Ecclesiæ, Loci sacri,
sancti,

sancti, religiosi, violant, & fugientes ad
cam per vim, & violenter abstrahunt,
grauissimas pœnas iure utroque sancitas
incurrunt.

C O R O L L A R I A.

1. *Laicus seu secularis, cuiuscunque status, Ordinis vel conditionis, Princeps, vel priuatus, qui reum criminis, ad Ecclesiam profugum, sine licentiâ & Authoritate Prælati Ecclesiæ, abstrahit, hoc ipso ad instar sacrilegij, efficitur de foro Ecclesiæ, ita quod exceptione, incompetentiæ Iudicis, & fori, se se tueri non possit.*

2. *Qui loci sacri immunitate securum violat, Sententiâ excommunicationis ipso iure fulminatur.*

3. *Iustâ sacrorum Canonum animaduersione, ingressu Ecclesiæ priuatur, qui limina Ecclesiæ ingressum, ab altari violenter amouet.*

4. *Est in arbitrio Episcopi & Ordinarij loci, quod contra violatores, immunitatis Ecclesiastica possit, & locum, & personas, interdictò Ecclesiæ subijcere, & authores publicâ pœnitentiâ ferire.*

5. *Pœnâ Spirituality Excommunicationis, suspensio-*

*penſionis, & Interdicti, non impedit quominus
pro modo delicti violatores, immunitatis Eccle-
ſiaſticae, penâ pecuniariâ, arbitrio Iudicis Eccla-
ſiaſtici, Eccleſiae cui facta eſt iniuria appli-
canda, puniantur; ac proinde delinquant, ve-
hementer Prælati Eccleſiae, qui quantumcunq;
ad Eccleſiam fugiens, grauiâ admiſerit delicta,
ipſum in totum ſaluare nituntur, ita quod nullam
penam etiam pecuniariam patiatur.*

*6. Juris eſt explorati quod tamenſi nemo ab
Eccleſia, citra violationem loci ſacri, extrahi po-
teſt, tamenſi fugiens, et inter altaria conſtitutus
inde poteſt in ius vocari, et ſi per ſe vel per Procura-
torem non comparuerit, & Ciuilitè agatur,
poteſt in contumaciam ad bonorum poſſeſſionem,
ex tribus Decretis ſeruato Iudiciario ordine con-
tra illum procedi.*

*7. Confugientem ad limina ſacra, abducens,
præter penas, quas incurrit, etiam extractum lo-
co immunitatis reſtituere tenetur, ſicut in alijs
reſtitutoriis Iudicijs, nec ſufficit ſi reſtitutio fiat,
non ad eam Eccleſiam, ex qua fuit extractus, niſi
pars vel Eccleſia, ad reſtitutionem agens conſen-*

D

tia

tiat, vel restitutio ad dictam Ecclesiam de facili fieri non possit.

8. Patronus Ecclesie seruum vel alium, ratione criminis & delicti, sibi obnoxium, ab Ecclesia extrahens; si Rectorem Ecclesie vel eius Vicarium, immunitatem Ecclesie defendentem percusserit, laeserit, vel mutilauerit, luspatronatus in perpetuum amittit, & posteritas eius usq; ad quartam generationem, per lineam masculinam, in Collegium Clericorum, nullatenus admittitur sed eousque sunt & debent esse Irregulares.

9. Jure Ciuili Imperatorum Honorij, & Theodosij, (L. 2. C. De his qui ad Ecclesiam, confugiunt) qui ad limina sacra malefactorem confugientem per vim abduxerit, tenetur de crimine laesa Maiestatis, ultimo supplicio afficiendus.

10. Excusantur à dictis pænis, violatores, quandoque ignorantia inuincibili, quandoque necessitate, consuetudine, concordia, priuilegio, & causâ. Sed hæc non procedunt, nisi cum debito libramine iuris accipiantur.







73

